



Publicaziuns dalla vischnaunca, jamna 16

Damonda da baghegiar

2020-1015.000

Datum dalla publicaziun: 17 d'avrel

Il patruns: Helen e Pirmin Lozza-Camathias, Via Sontget 11, 7180 Disentis/Mustér

Object: Prolungaziun dil tetg d'entrada, parcella 1006, Via Sontget 11, 7180 Disentis/Mustér

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 17 d'avrel 2020

Uffeci da baghegiar Disentis/Mustér

Annunzias da baghegiar

All'istanza da baghegiar ein sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2020-2029.000

Martin Lutz, Via Disla 23, 7180 Disentis/Mustér: modificaziun dil terren resp. allontanar crappa, parcelas 3366, 3377 e 3378, Caprau, 7180 Disentis/Mustér.

Nr. 2020-2030.000

Robert Casanova, Via Clis 6, 7180 Disentis/Mustér; sanaziun dalla seiv, parcella 1446, Via Clis 6, 7180 Disentis/Mustér.

Nr. 2020-2031.000

Margrith Iten-Berther, Via Nova 47, 7017 Flims Dorf: sanaziun dil mir dil baghetg d'economia, parcella 2956, Plaun Menisch, 7180 Disentis/Mustér.

Nr. 2020-2034.000

Stweg Casa Ucliva, c/o Gion Albin, Via Funs-Dado 1, 7180 Disentis/Mustér; construcziun d'ina era aulta, parcella 977, Via Funs-Dado 1-3, 7180 Disentis/Mustér.

Nr. 2020-2035.000

Eva Kilchsperger, Caprau 492, 7182 Cavardiras; sanaziun dil mir natural, parcella 3406, Caprau 492, 7182 Cavardiras.

Nr. 2020-2036.000

Paul Degonda, Via Alpsu 20, 7180 Disentis/Mustér; divers sfoss alla Via Funs-Dado, parcella 589, Via Alpsu 20, 7180 Disentis/Mustér.

Nr. 2020-2037.000

Florian Zanin e Placi Monn, Via Plaun-Sut 5, 7180 Disentis/Mustér: construcziun d'eras aultas, parcella 1829, Via Plaun-Sut 5, 7180 Disentis/Mustér.

Nr. 2020-2039.000

Edwin Deflorin, Gassa da Cuoz 21, 7186 Segnas; sanaziun dil tetg dil baghetg d'economia, parcella 1569, Acla da Fontauna – Sax, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprazonza communal.

Disentis/Mustér, ils 17 d'avrel 2020



Uffeci da baghegiar Disentis/Mustér

Dismessa da rufid bloccont

Dalla purschida speciala da dismetter il rufid bloccont duront l'Jamna sontga ei vegniu fatg stediamein diever. En quei connex engraziein nus grondamein alla giuventetgna ch'ei segidada pil beinreussir da quell'acziun, sco era allas convischinas ed als convischins per la buna disciplina alla piazza da rimnada.

Naven da **sonda, ils 11 d'avrel 2020** da miezdi ei la piazza da rimnada muort il coronavirus puspei serrada entochen ch'ei vegn publicau el «Fegl ufficial Surselva» novas informaziuns.

Bien engraziament per la capientscha.

Suprastonza communal

Casa da traffic Lucerna

La vischnaunca da Mustér ha ils davos diesch onns purschiu a ses habitonts la pusseivladad da visitar gratuitamein la Casa da traffic a Lucerna. Quei ei stau pusseivel, damai che la vischnaunca era commembra collectiva dil museum.

Muort in considerabel augment dils cuosts per quei commembradi, han las autoritads communalas decidiu da desister naven d'uonn da quella purschida.

Bien engraziament per la capientscha.

Administraziun communal

Serrada dalla Via Raveras

Il transit Via Raveras–Veier resta serraus/restrenschiu

Muort lavurs da construcziun vid la canalisaziun a Raveras resta il transit per autos e vehichels a motor sur la Via Raveras serraus resp. restrenschiu.

Las lavurs da construcziun entscheivan ils 20 d'avrel e cuozan entochen miez fenadur 2020.

Igl access per autos e vehichels motorisai alla serenera resp. al Center Aua Viva ei adina pusseivels neu dalla Via Cavardiras. Per pedunzs e velocipedists ei il passadi sur la Via Raveras adina pusseivels dad omisduas varts. Nus supplichein da risguardar las signalisaziuns corrispudentas.

Per ulteriur sclariment san ins sevolver tier la survigilonza da bahegiar biro ipz inschigniers + planisaders sa, 081 943 17 22.

Bien engraziament per Vossa capientscha.

Disentis/Mustér, ils 15 d'avrel 2020

Uffeci da baghegiar ed infrastruttura

Sanaziun dalla Via Acletta

Tschancun sbuccada Via Luzzas entochen tier Via Plauncas

Igl Uffeci cantunal da construcziun bassa dil cantun Grischun preveda la sanaziun dalla via ad Acletta. En connex cun la sanaziun dalla via vegnan era ils conducts da provediment e dismessa remplazzai.

Las lavurs vegnan exequidas en treis parts. L'emprema etappa 2020 entscheiva **gliendisdis, ils 20 d'avrel e cuoza entochen ils 3 da fenadur 2020. Silsunter suondan mintgamai las lavurs da catramar.**

La secunda etappa ei preveda naven dils 17 d'uost entochen ils 16 d'october 2020.

La tiarza etappa ei preveda 2021 e la cuvrida fina sur gl'entir tschancun 2022.

L'emprema etappa (sbuccada Via Luzzas tochen suenter igl access parcadi Utoring) vegn exequida sut traffic. Per la secunda e tiarza etappa sto la via vegnir serrada completamein. Duront quei temps vegn construiu ina via da sviament per vehichels entochen 3,5 t sur Cuoz.



Informaziuns actualas anfleis Vus sut: www.strassen.gr.ch

Per damondas stat igl uffeci da construcziun bassa bugen a Vossa disposiziun. Nus engraziein per Vossa capientscha e salidein amicablamein.

*Uffeci da baghegiar ed infrastruttura
dalla Vischnaunca da Disentis/Mustér*

Ervin Maissen, 081 920 36 45

Uffeci da construcziun bassa dil Grischun, district 6

Christian Gieriet, 079 963 03 80

Sanierung Aclettastrasse

Abschnitt AS Via Luzzas bis zur Via Plauncas

Das Tiefbauamt Graubünden beabsichtigt die Sanierung der Aclettastrasse. Im Zuge der Strassensanierung werden auch sämtliche Werkleitungen auf diesem Abschnitt erneuert. Die Arbeiten werden in drei Bauetappen ausgeführt.

Mit der ersten Etappe wird ab **Montag, 20. April 2020, gestartet und dauert bis 3. Juli 2020.**

Anschliessend werden die Belagsarbeiten ausgeführt.

Die zweite Etappe beginnt am 17. August und dauert bis 16. Oktober 2020.

Die dritte Etappe wird im 2021 ausgeführt. Die Deckbelagsarbeiten über das gesamte Baulos sind für 2022 vorgesehen.

Die erste Etappe (AS Via Luzzas bis nach der Einfahrt PP Utoring) wird unter Verkehr ausgebaut. Für die zweite und dritte Etappe muss die Strasse gesperrt werden. Während dieser Zeit wird eine Umfahrungsstrasse für Fahrzeuge bis 3,5 t über Cuoz eingerichtet.

Aktuelle Informationen finden sie unter: www.strassen.gr.ch

Für Fragen steht Ihnen das Tiefbauamt Graubünden gerne zur Verfügung. Wir bedanken uns für Ihr Verständnis und grüssen Sie freundlich.

Bau- u. Infrastrukturamt der Gemeinde Disentis/Mustér

Ervin Maissen, 081 920 36 45

Tiefbauamt Graubünden Bezirk 6, Ilanz

Christian Gieriet, 079 963 03 80

Controlla da habitonts

Mortori

Gertrud (Trudy) Schnoz-Gerig, naschida ils 22 da settember 1944, morta ils 12 d'avrel 2020

Rimnada da pupi

La rimnada da pupi digl avrel 2020 croda!

Preziadas convischinas, preziai convischins

Cun l'ordinaziun federala 2 davart las mesiras per cumbatter il coronavirus (Covid-19) ei ina rimnada da pupi las proximas jamnas buca pusseivla: www.gr.ch/coronavirus. Nus supplichein Vus da tuttina rimnar il pupi.

Vus vegnis informai dil niev termin da rimnada, cu la situaziun ei senormalisada. Sche pusseivel fagein nus il matg/zercladur ina. Bien engraziament! Sperond sin Vossa capientscha salidein nus Vus cordialmein.

Stei saun/-as!

Fin mars 2020

Nossa scola populara Mustér, Ch. Berger



Biblioteca populara Disentis/Mustér e contuorn

La Biblioteca populara Disentis/Mustér e contuorn ei *serrada entochen silmeins ils 30 d'avrel 2020*. Ei ha liug neginas occurrenzas.

Naven d'immediat entochen la reavertura dalla biblioteca purschin nus in *survetsch d'empustaziun e retratga*. Ulteriuras infos sut www.biblioteca.disentis.ch.

La *biblioteca digitala*, www.dibiost.ch, ei adina aviarta. Sche Vus haveis in abbonament dalla biblioteca, sche saveis Vus far diever da quella purschida. Haveis Vus interess vid in niev abbonament? Lu astgeis Vus bugen contactar nus via mail: biblioteca@disentis.ch. Cordials salids e stei stauns.

Il team dalla biblioteca

Die Biblioteca populara Disentis/Mustér ist *bis vorerst 30. April 2020 geschlossen*. Es finden keine Veranstaltungen statt.

Ab sofort bis zur Wiedereröffnung der Bibliothek bieten wir Ihnen einen *Bestell- und Abholservice* an. Weitere Informationen unter www.biblioteca.disentis.ch. Die *digitale Bibliothek*, www.dibiost.ch, ist immer geöffnet.

Alle Besitzer eines Familien- oder Einzelabonnements können von diesem digitalen Angebot Gebrauch machen. Haben Sie Interesse an einem neuen Abo? Bitte kontaktieren Sie uns via Mail:

biblioteca@disentis.ch.

Vielen Dank für Ihr Verständnis.

Das Bibliotheksteam
